



Naunaipkutaq Titiraq

Havauhikhait Maligaliuqtilluat Kiinauyaliqiyillu Katimayiit

Maligaliuqtilluat

Taapkua Aulapkaiyiryuat Katimayiit (Maligaliuqtilluat) Nunavunmi angayukhiuyut ihumaliuqtit talvani aulapkaiyit havagvianit kavamanit. Ilaqaqhutik Hivuliqtimit Ministaniglu. Hivuliqti ikhivautaliuvaktuq Maligaliuqtilluanut.

Maligaliuqtilluat munaqhivaktut tamarmik qanurlu aulaniarmangaat aulapkaiyit kavamanit, taapkualu havagviita kavamanit. Ilangi hamma Maligaliuqtilluat munarivagait:

- Ihumaliuqhutik ihuarnikhakkut qanuq havauhiqaqhutiglu kavamatkut. Hapkoa irininatqiyat titiraqhimayut Kamissinap Angmaqitirutaanit Uqauhiinit (naunaitpaktuq taimaattaug “Uqauhiit Ikhivautaryuamit” imaaluunniit (Ikhivautaryuamit Uqauhiit”) katimatqiliraangamik hivuanit Maligaliurvingmit;
- Angiqhimablutik kavamatkut maligakhaliuqtainik;
- Tutqikhaiblutik Kavamatkut maligaliqivianit havaakhainik angiqhimablutiglu Piquyanik takupkaqtitaunnagit Maligaliurvingmut;
- Angiqhivakhutiglu maligakhanik;
- Angiqhivakhutiglu tikkuqaqtauyunik havaakhainik Inungnik Ikayuqtiinut;
- Angiqhivakhutiglu pitquyauhimayunik tikkuqaqtauyunik katimayinut ahinullu katimayiralaanut; imaalu
- Tutqikhaiblutik tunngavikhainik Kavamatkut, havagvikhaitalu.

Ilaaninnguraangat, Maligaliuqtilluat makitittiinarialgit katimayiralaanik.

Maligaliuqtilluat angiqhimainnarialgit aulapkainirmik, ilaaninnguraangat, katimayikaffungnik, taapkuatut Ministat Havaakhainut Katimayiitut.

Angayukhiit havaktit talvani Maligaliuqtilluanit titiraqtiuvaktut Maligaliuqtilluanut Tuglianullu Ministap Aulapkaiyiryuanut.

Kiinauyaliqiyit Katimayiit

Kiinauyaliqinirmut Atannguyait Katimayiit (FMB) pitquyauhimabluni- aullaqtitauhimagumik katimayiralaangat Maligaliuqtilluat, ikhivautaubluni Ministauyuq Kiinauyaliqinirmut.

Taapkua Kiinauyaliqinirmut Atannguyait Katimayiit tikkuuqtuqtauvaktut Aulapkaiyiryuat Katimayiit, ataniqtuqtuivakhutik malikhugu taamna *Kiinauyaliqinirmut Titiraliqinirmut Maligaq*. Ilanganit 4 (1) talvani Maligarni titiraqhimayulik taimaa taapkua Katimayiit havalirnariqtukhat ihumaaluutauyunik kiinauyaliqiyit atannguyainit kiinauyaliqinirmullu titiraliqinirmik kavamatkunnit hapkua mikhaagut:

- Kiinauyaliqiniq atuqtakhaniglu parnaiyainirmik maligakhaliurnirlu;
- Inungnut Atuqtauyukhat Kiinauyait taapkualu Atuqtauniarahugiyayut Akikhait (Atuqtauniarahugiyayut Akikhait Angiyunullu Atuqtauniarahugiyayut);
- Munaqhugit titiraqhugillu kiinauyanut atuqtakhat, nanminiit, akiliqtakhait, akiliqpagaat kiinauyaqtaitalu;
- Ilittuqhaqhugit ihuarniit, kiinauyaqturmiit, nakurutaungmangaatalu kavamanut aullaqtihimayainik;
- Ihivriuhugit ukiumi atuqtauyukhanik kiinauyanik kiinauyaqtarvikhaniglu; imaalu
- Ahiniglu ihumaaluutauyunik pitquyauhimagumik Aulapkaiyiryuat Katimayiit.

Taamna angayukhiq titiraqti havaktiuyuuq FMB-kunnit Titiraqtiuyuuq taapkununga FMB-kunnit talvungalu Ministamut Kiinauyaliqinirmut.

Kavamatkut Nanminirilluaqtait hannaviit hammauvut:

- Nunavunmi Ilihariaqpaallirvik (NAC);
- Nunavunmi Nanminiqagtunut Atukkirvik (NDC);
- Nunavunmi Pivalliatjutikhaliqinirmut Kuapuriisat (NBCC);

- Nunavunmi Igluliyiryuat (NHC);
- Qulliq Alruyaqtunut Ikummatjutiit (QEC); taapkuulu
- Havaktunik Aanniqtalinirmut Akiliqtuinirmullu Katimayit (WSCC).